

安福縣志卷之十九

政績

文政

武績

書曰不惟其官惟其人政績之有傳傳其人也非傳其官也邑舊無名宦未敢妄登然自前明以來凡惠澤在人每相與謳思而不置則必爲之考成編採輿頌彙其行事而詳紀之語曰前事之不忘後事之師也若此數十人者豈遂能專美於前哉援古以證今當有無小無大而從公于邁者志政績

文政

安福縣志

政績

一

卷之十九

明

青 德綏德人正德中任九永通判邊人信服歲歉百方賑濟勘獄多所平反苗夷安輯舊志

劉 寵字天錫東平歲貢正德十三年以岳州通判督九永邊儲質實績密凡廨舍倉場之建條縷圭撮之務必與諸衛官詳議而行人以爲法後陞武昌府

同知

舊志

封 傑綏德歲貢正德間任邊糧通判姿貌敦樸政務覈實折獄平允民安之致仕後家於澧復姓郭年

八十餘卒孫壽登鄉榜

舊志

夏子雲涪州舉人萬歷時判九永邊糧幼有重名詩

文成一家言性坦易嗜酒不亂待武弁頗嚴威令大

行陞衡州府同知

舊志

李有朋字樂吾東陽舉人萬歷時九永通判才猷練

達修葺關隘城垣糧儲收支不苟毫末人服其公

舊志

邵鍾美武昌人萬歷時司衛訓學博才瞻造士有法

通判李有朋屬修衛志採輯論次頗成其概

舊志

國朝

安福縣志

政績

二

卷之十九

李時培字桂芳宣府武進士順治五年任九永邊糧

通判時伏戎未靖屯畝盡蕪時培始至賃居民舍招

慰開墾查冊按徵越四年遷署於澧之襄陽街剪除

荆棘繕城集民調和營伍安輯司尙陞直隸都司

舊志

曾三壽字山偕號青岑監利人康熙壬子拔貢司衛

訓四年每以古人規勉生徒坦易慎默絕奔競有谿

遊詩草

舊志

張大本字懿仲益陽歲貢康熙二十八年任衛訓導

勤於課士閒居如對賓客建草署淡泊自安

舊志

黃名愷字士公黃岡舉人教授九谿手不釋卷質直和藹遊其門者如坐春風取與不苟卒於任所竹□布被外無長物士哀慕之舊志

黃漢字天章孝感舉人任九谿教授溫恭不欺細心評課勤討難恤貧儒紳士以不及門爲憾舊志

徐騰芳資陽人雍正十二年以孝廉知安福性寬厚不察察爲明而聽斷明決協乎情理方改縣之始城郭衙署監獄倉庫一切經營周密用無浮泛所領國帑除經費外羨餘悉還司庫有媒孽之者羈福數年

## 安福縣志

政績

三

卷之十九

士民哀之舊志

劉清史字廷珥江陵舉人任教授老不倦學工書辨韻甄別優劣多荷就正之功舊志

王文清字廷鑑號九溪甯鄉進士任教授文醇學博儀式多士改岳州府教授後舉博學鴻詞充三禮律呂館纂修補內閣中書擢宗人府主事考授御史尋請終養回籍掌教岳麓書院十餘年多所成就年九

十二卒祀鄉賢舊志

張浚廣東高要舉人乾隆四年任安福政重撫字訟

歸平允始建義學取游家洲口和供給館師以文行  
砥礪士林後遷中書舍人

舊志

姚思恭山西永濟進士乾隆十年任安福恬淡悃愾  
視民如子獎厲士類遇知名者傾吐忘形尤諄諄以

讀書敦品立教士民稱頌

舊志

季際隆福建歸化進士乾隆十二年任安福以尊師  
重儒釐正文體爲先務制藝竒峭別具手眼梓稿行  
世足爲後學楷模並製錫爵香爐諸器皿列諸祀典  
後調武陵不愧循良

舊志

## 安福縣志

政績

### 四

卷之十九

王雲萬號滄洲無錫進士乾隆十三年知安福撫字  
有方百廢俱舉州邑志皆經裁定歷任五載重士愛  
民至今懷之

舊志

唐廷琇號松濤湘潭歲貢乾隆十八年司訓安邑性  
正直無私勤月課細心評隲凡有問難不厭諄復因  
聖宮體制狹隘買基址擴圍墻序兩廡牌次改東西兩祠  
凡廟前餘地池塘田畝悉屬捐俸培植事實詳碑記

後陞衡山教諭

舊志

吳紘字凝山南城舉人以乙丑明通榜乾隆三十一

年補安福工書法性剛正不阿時金川軍需孔急差馬力役派縣承繳毫不累民後兵過滙口委紘供事以積勞卒於旅邸士民聞訃號泣舊志

楊鯤字北溟號翼庭昆明舉人乾隆三十八年署安福寬厚臨民不事苛刻初涖政改修

### 聖宮捐置

崇聖祠基址並育嬰堂田屋凡濟人利物之政次第俱舉

以勞卒於官未竟其用舊志

李樹穀字芸門號東川夏邑舉人乾隆四十九年任

### 安福縣志

政績

五

卷之十九

安福愛民禮士時邑苦旱災請帑發穀按丁多寡徧

給均沾惠政舊志

劉起厚字培之南昌進士乾隆五十一年任安福廉

靜寡欲深服士民值賓興大典捐廉餞貲累充考官

甄拔多才舊志

南濟漢號斗岳永昌進士乾隆五十七年知縣事性廉直勤於聽斷胥役股慄訟棍屏跡捐廉倡修

文昌閣暨龍神祠以栽培學校爲己任值苗匪猖獗差務紛馳積勞卸事病痊咨調赴省卓異留□□□境

焚香郊迎時兵米甚警倉儲盡空漢將支俸採買邑人爭運貯倉甫月餘調補慈利餞送者絡繹不絕復署澧州告休旋里

舊志

劉瀛祖號筆莊衡陽舉人嘉慶五年任安福教諭渾

厚和易崇實行黜浮華與人論文終日不倦搦管立成以疾卒於旅署

舊志

張在田號鶴峯孟縣舉人嘉慶八年知縣事性剛正雙目澄碧儼望生畏且清心寡欲禮士愛民續修奎樓新建考棚書院自經始以至落成不以案牘辭勞

## 安福縣志

政績

六

卷之十九

張雲璈號簡松錢塘舉人嘉慶十二年宰安福秉心仁厚立法嚴明勤政之餘以詩立教提倡宗風蒞任五載興利革弊頑悍股慄

舊志

何寅斗號欽齋營山舉人嘉慶二十二年任安福便服私巡力懲賭博訟棍且倡修邑志研精覃思己卯奉調入闈卒於省邸官囊蕭然聞未仕之先遭川匪難棄家負母逃匿妻鄧氏死於兵蜀人稱爲孝子鄧

爲義婦

舊志

張相侯雲南鄧川州人學淹博有名於時嘉慶己卯

鄉舉道光壬午成進士授知縣卽用籤掣湖南三年先署溆浦縣知縣識政體要以條教化民其冬接署縣事悉除陋規案無留牘世有神明之稱性故鯁介人不敢以非道相干而禮賢愛士接交無虛日靄如春風舉民間利弊丁役奸謀多所洞悉先是邑中訟獄滋起民多苦之相侯至捕獲訟師數人盡發胥吏詐謀痛繩以法拘數月曉以義理皆引咎而去後改行爲善去任跪送道旁泣下士民至今思之

林發森號茂園貴州定番州進士道光十四年知縣

## 安福縣志

政績

七

卷之十九

事二十一五年兩次復任先後十載操守廉謹政尚寬平尤雅意振興文教捐廉俸修復書院士林德之王宏謨號定甫江西清江進士道光二十八年署縣事慈惠愛民讞獄平允囹圄一空遇歲荒勸富室減價平糶設法賑饑民賴不困

朱元燮浙江錢塘人由監生循例入官道光二十五年任澧州吏目有廉聲咸豐二年署縣事性仁厚每聽訟得情必涕泣答之事無大小皆立讞語居官多持大體寬猛相濟稱良吏焉後調任巴陵值粵寇薄

城下元變率士民戮力捍禦因援絕勢孤遂以節殉  
士民至今忠之

文舒耀號定齊攸縣舉人道光八年司邑教事以義  
理相切嗟士林多所造就居五年告養歸越八年回  
任學者復奉爲師範居常有道德能文章振綱常勤  
作育邑人士多膺顯達皆沐其裁成歷十年請老士  
林攀轅莫挽額師道立三字以誌不忘其自署堂聯  
云做秀才人作幾件挑撥事害及鄉鄰便折盡平生  
福澤有大志者就兩部正眞書深加體驗早擔當天

安福縣志

政績

八

卷之十九

下經綸可想見其德望

黃 彝號杳舟道州舉人嘉慶二十五年司邑訓事  
訓課克勤士習蒸蒸日上續成舊志多所考徵歷任  
八載以黜華崇實爲教學者宗之

胡之桂號筱山安徽涇縣廩生咸豐元年署邑典史  
性廉潔弭盜有方盡發矯誣奸弊以安善良人懷其  
德居常喜讀書工制舉文字詩益奇峭士林重之

武績

明

〔翟亨〕隨州人正統間九谿指揮僉事以征麓川功累遷指揮使後復征麓川偕其弟戰死事聞遣官諭祭

通志舊載九谿衛人授本衛僉事

〔樂睿〕定遠人正統間掌九谿指揮使威惠兼至修城創署整飭關梁令行邊陲土酋畏服

〔雍埜〕全椒人正統中爲永定衛指揮使征蒙古麓川屢立奇功靖遠伯王驥甚倚重焉

〔樊華〕襄陽衛人正德舊志誤作宏正間守備九永正直剛決

饒有才畧威振蠻獠當路咸推重之又愛禮士大夫

## 安福縣志

政績

九

卷之十九

造就儒生兩衛文風賴之以振

〔吳綬〕父眞爲九谿指揮討苗有功綬嗣之以廉能受獎賞陞九永守備修防練士養民通商大善其職人皆謂樊華後未有如綬者

## 國朝

〔鍾明鑑〕順治十七年任九谿守備恭儉愛民招來流離培植學校士民悅服

〔郝爾德〕陝西人康熙初任九谿衛協鎮調征西山逆寇小李有功陣亡

黃呂徐州武進士康熙七年任九永守備性溫靜政不煩而事舉捐葺學宮講積貯嚴剔出入大貸小還士民德之

徐德音康熙十年任九谿守備官箴恪守國稅公明袁鬪字季文徐州武進士康熙十八年九谿守備性廉明政平恕時吳逆甫平土滿人稀多方招撫勸課農桑流離歸籍者衆詳讞得情必哀矜勸諭兩造感服

劉秉禮號恭叔京衛武進士康熙二十二年任九谿衛協鎮增建營汛開除道路自谿城東達石門界崇山峻嶺皆成康衢行旅便之

包成山西大同人康熙四十二年由行伍任永定遊擊嚴明有智畧訓練兵丁修補城雉緝盜安民卓卓有聲雖不識字而一應文案過耳卽明稍有未妥便能指出後陞紹興參將

周天相陝西綏德人雍正元年由行伍任永定遊擊勤敏有胆畧時辰州龔大勳劫人索贖官莫能制天相單騎禽得置之法在永三年盜賊潛踪夜戶不閉

及卒士民哀之

羅名爵鄂縣武舉任九谿守備衣素食蔬有廉名

張大成寧夏人愛民重道雍正七年大旱以永定管

屯守備兼署九谿事單騎減從星馳勘勸詳請蠲賑

兩衛均沾德政

以上武績

〔謹案〕政績一冊查舊志及原志內凌躐失次者甚

多又有應自永定政績內撥入者如雍埜樊華吳

綬黃呂張大成等五人今俱添補改正